

Date – 03/05/2025
Time - 7:30 -7:40Hrs
AKASHVANI AIZAWL

HEADLINES (MORNING)

1. **Lunglei District DC Office hmalakna in "I Kawtkaiah Sawrkar" tih hun chu Bunghmun khua leh a chhehvel mipuite tan Bunghmun BDO Complex-ah nimin khan buatsaih a ni.**
2. **Aizawl Municipal Corporation chuan Mizoram Legislative Assembly leh a chhehvel huamchhunga chawhmeh zuar a thu thin te chu thu tawhlo turin a ngen.**
3. **Prime Minister Narendra Modia chuan nimin khan cheng vaibelchhe sing 5 leh sang 8 hu hmasawna project hrang hrang Andhra Pradesh-a Amravati atangin a hawng**
4. **Mumbai-a WAVES Summit 2025 neih mek ah nimin khan WAVES Thupuanhhuah chu Global Media Dialogue ah pawm a ni.**



PRASHASHAN GAON KI ORE

Lunglei District Deputy Commissioner Office hma laknaa mipuite'n sawrkar hma lakna hrang hrangte an chhawr t̄angkai theih nan an khuaa kal chilha service hrang hrang chhawp chhuahsakna, "I Kawtkaiah Sawrkar" (Prashasan Gaon Ki Ore) hun chu Bunghmun khua leh a chhehvel mipuite tan Bunghmun BDO Complex-ah nimin khan buatsaih a ni.

Bunghmuna "I Kawtkaiah Sawrkar" hun buatsaih hawna hi Bunghmun Block Development Officer (BDO) Dr Lalramdintluanga chuan kaihruaiin, Bunghmun mipuite chu an harsatna leh mamawhna zawnah department hrang hrangte dawr hreh lo tur leh an kawtkaia hun remchang buatsaihsak chu chhawr t̄angkai tum t̄euh turin a chah a ni.

He hunah hian Deputy Commissioner, Election Branch, Agriculture, Horticulture, Animal Husbandry & Veterinary, Women & Child Development (ICDS), Rural Development Block Development Office, FCS&CA (Supply), Commerce & Industries, Health & Family Welfare, leh Mizoram Rural Bank te'n stall hawngin, awlsam zawka mipuite dawr theih turin an inpho chhuak a. Electoral roll enfiah/inziah luh, Aadhaar siam t̄hat/siam thar, income & tribal certificate dil, ration card siam t̄hat, bank account hawn thar, hriselna dinmun endik & ABHA Card siam, ran entir leh ui a hri (anti rabies vaccine) pek, thei leh thlai chi sem, sawrkar scheme hrang hrang inhrilhfiyah leh inziah luh leh mipuiin harsatna an thlenna hun te buatsaih a ni.

VC

I Kawtkaiah Sawrkar programme hi kumin January ni 14 khan bul tan a ni a. Haulawng leh Ralvawngah te buatsaih a ni tawh a, he'ng khaw pahnih atang hian mi 826-in service hrang hrang chhawp chhuahte hi an chhawr tangkai tawh a. Tun May thla chhung hian khaw 4 - Bunghmun, Tlabung, Lungsen leh Bualteah te buatsaih chhunzawm tura ruahman a ni.

<><><>

LADC

Lai Autonomous District Council ah Chief Executive Member atan BJP hruaitu M.Kawnpui bialtu MDC, Pu N.Zangura ruat a ni a, Governor in a ruatna chu nimin khan tihchhuah a ni.

Pu N Zangura hi CEM ah lakluh a nih chuan tuna LADC Sorkar Term kallai ah Sorkar inthlak vawi li na tur leh CEM panga lakluhna a ni ang.

Nimin khan Aizawla BJP Mizoram Office ah Pu N Zangura chu kan corr in a kawm a, Pu Zangura chuan District council te chu duhamna leh mahni in ngaihpaawimawh nate avangin a ngelnghet lo fo thin a ti a. Tuntuma LADC ah CEM a nih chuan sorkar ngelnghet tak siam theih a in ring tih a sawi a ni.

Pu N Zangura chuan, Mizoram state sorkar chuan Mizoram mipuite mamawh mai bakah Autonomous District Council te mamawh a puhru zolo a ti a, sorkar laipui a sorkarna chelh tu BJP chuan India rama state hrang hrang te hmasawna tura theihtawp a chhuah mek a, Mizoram mipuite sum leh paia harsatna sut kian a nih theih nan BJP an zawm tih a sawi.

Hetihlai hian, LADC ah ZPM Sorkar a din reng laia CEM dang ruat a ni chu LADC Chairman Pu T.Zakunga chuan mak a tih thu a sawi a.

Tun dinhmun ah LADC ah ZPM Sorkar Pu V.Zirsanga kaihhruai chu thiah a la nilo tih ZPM Sorkara LADC Chairman Pu T.Zakunga chuan Lawngtlai a Aksahvani corr in a kawmnaah a sawi a, Pu V.Zirsanga chu CEM atan pawm a nih hnuah Ni 30 chhunga thlawptu a neihdan fiahtura tih a nihlaiin, fiah a nihtheihna tura LADC Session koh nimahse, Session neih dawn ah Chairman leh Dy. Chairman an ban vangin Session hi neihtheih a nilo a ti a, hemi chungchang hi Governor ah pawh hriattir a ni a, tunah LADC ah ZPM Sorkar a dinreng laiin CEM thar ruat a ni ngawt mai chu hriatthiam harsa a tih thu Pu T.Zakunga chuan a sawi.

<><><>

TOMATO

Khawzawl District chhunga awm Tualte khua chuan kumina a hmasa ber turin tunlai hian Tomato an seng mek a, Tualte khuaah hian Tomato ching hi chhungkaw 200 vel an awm a ni.

Tualte khuaah hian Tomato ching, Society a inziak lut hi chhungkaw 200 vel awmin Tomato chingtute hian a inchhawkin Tomato an ching thin a. Tun

tumah hian chhungkaw 20 bawr velin Tomato hi seng mekin karleh Thawhtanni atang khan an hralh tan a, vawiin thleng khan Kg.4300 chu Kg.1 Rs.40 zelin an hralh a, Tomato hralhna atang hian Rs.172,000 an lei tawh a ni.

<><><>

AMC

Aizawl Municipal Corporation chuan Mizoram Legislative Assembly leh a chhehvel - Venghlui Local Council leh Tuikual South Local Council huam chhunga chawhmeh zuar a thu thin te chu thu tawhlo turin a ngen.

AMC chuan dan in thuneihna a pek angin, helai huam chhung kawngkam a inzawrh phal lohna hmuna puan a lo nih tawh avangin, dan zawma thu tawh lo turin a ti a, AMC Municipal Commissioner Pu Joseph H Lalramsanga chuan Venghlui leh Tuikual South huamchhunga thil zuar thin te chu AMC Multi-Complex Tuikual South-ah in sawn vek turin an ngen tih sawiin, dan palzut te chu cheng sang 5 thleng chawi tir theih annih bakah an thilzawrh man sak theih anni a ti a, mipuite chu phalna hmuna thil zuarte dawr turin an ngen tih an sawi bawk.

<><><>

KOLASIB DC

Kolasib District Bawrhsap Pu Robert C. Lalhmangaihan Bilkhawthlir - Saiphai kawng, PMGSY sum hmanga kawng siam tawh, Defect Liability Period (DLP) a kawng chhia thawm mek dan te, he kawngpuia lei dawh mekte nimin khan a enfiah a, Saiphai leh Phainuam-a Border Police Outpost (BPO) pawh a tlawh nghal bawk a ni.

Bilkhawthlir - Saiphai kawngpui siam hna hi CT Mawia Construction thawh niin, siam zawh a nih hnuah kawngpui chhe leh tawh hmun eng emaw zatah awmin, DPL a nih angin Contractor hian kawng chhe thawm hna a thawk chak lo deuha an hriat thu N. Chawnpui leh Saiphai khawtlang hruaituten an sawi chu Contractor aiawha hnathawktu lo awm Pi Zonuni chuan duh angin labour an hmuh theih loh vang a ni a ti a, theihtawp an chhuah reng thu a sawi.

Chepte Lui-a lei dawh mek, nikum lama dawh zawh tawh tur la thawh tan hleitheih loh pawh DC chuan a enfiah a. Lei dawh hna thawktu Dr. R. Lalthlamuana, Blue Hills Engineering chuan thil awmdan sawi fiahin, NABARD sanction chu nikum October thla khan a lo tawp hman avangin a hranpain Detailed Project Report (DPR) siam thar leh a ni a, tunah hian NABARD lamin an sanction leh hnai tawh a, hna tan leh thuai an tum niin a sawi.

Hei bakah hian Blue Hills Engineering-te dawh tho, Sesih Lei, NABARD sum cheng nuai 270 senga thawh mek, 22m a sei, 7.5m a zau tur a ni a. Hna thawh zawh deuhthaw tawh niin, contractor chuan thla khat velah an zawh theih tawh tur thu a sawi.

Kolasib DC Pu Robert-a chuan ramria hnathawh chu tha tak leh chak taka kalpui a tul thu sawiin, kawngpui siam leh lei dawh hna thawh mekah pawh hmasawna a awm chu lawmawm a tih thu sawiin, contractor-te chu harsatna an neihte a hnêna hrilh thin tur leh a bawhzuina kawngah theihtawp chhuah pui a inhuam thu a sawi a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.



AGRICULTURE

Agriculture Infrastructure Fund (AIF) Regional Conclave chu nimin khan Aijal Club ah neih ani a.

He hun hmanpuitu Agriculture minister Pu PC Vanlalruata chuan AIF chu sum dah sa la hman tangkai loh remchang em em si a ni, bawhzui turin a la tlai lo a ti a, he scheme hian Agriculture leh a kaihhnawih lam a hma la tu te sum lakluh nasa takin a tipung thei dawn a ni a ti bawk.

Conclave ah hian AIF chungchang leh Mizorama hmalak theihdan kawng hrang hrang te sawi ho a ni a, Agriculture and Farmer's Welfare Director Pu.R.Lalzirlinan a kaihruai a ni. Agriculture Department, Horticulture Department, AH&Vety Department, Land Resource, Soil & Water Conservation Department, Fisheries Department, Sericulture Department leh kuthnathawktu, Entrepreneurs, NGO, Farmers organisation te leh banking institution hrang hrangte an tel a ni.



PM

Prime Minister Narendra Modia chuan nimin khan cheng vaibelchhe sing 5 leh sang 8 hu hmasawna project hrang hrang Andhra Pradesh-a Amravati atangin a hawng. Heng project zingah hian Amravati khawpui tihchangtlunna tur te a tel a. PM Modia chuan Andhra Pradesh hmathlir atan leh Viksit Bharat beiseina tihhlawhtlinna tur project an hawng tih a sawi a. Kum 10 kalta chung khan hmuh theih thil leh khawl thil bakah khawtlang nuna hmasawna ruhrel tihchangtlunna turin sawrkar chuan nasa takin tan a la tih a sawi bawk a ni.

Prime Minister Narendra Modia hian nimin vek khan Kerala Vizhinjam International Deepwater Multipurpose Seaport a hawng bawk a. Vizhinjam hi ramchunga semi-automated port hmasa ber a ni a. PM Modia chuan tuipui

lama hmasawna ruhrel din kawngah rahbi thar pawimawh tak anih thu a sawi a. Vizhinjam Port chu tunlai mil hmasawna pholangtu anih thu leh eibar zawna kawngah ram tan leh Kerala tan hlawkna tam tak a thawkchhuak dawn tih a sawi a ni.

<><><>

WAVES 2025

Mumbai-a WAVES Summit 2025 neih mek ah nimin khan WAVES Thupuanchhuah chu Global Media Dialogue ah pawm a ni.

(SFX)

Ram hrang hrang aiawh kalkhawmte chuan thu diklo thehdarh veng tur leh media te zahawmna vawngchim turte, thudika inngat thutharthehdarhna leh infakna advertising lam tangkai taka kalpui an remti a ni.

Global Media Dialogue hi External Affairs minister Dr.S.Jaishankar leh Union I&B Minister Ashwini Vaishnaw bakah Union Minister of State for I&B L Murugan ten an kaihhruai a. Union I&B Minister Ashwini Vaishnaw chuan mitinin khawvel hmaa an chanchin ngaihnawm tak an puanchhuah theih nana remchang pek chu a pawimawh hle tih a sawi a ni.

He hunah hian Bollywood filmstar hmingthang Amir Khan pawhin WAVES hman ani chu lawmawm atih thu sawiin media leh entertainment lamah khawvel hmahruaitu anih theih nan a tangkai hle a ni a ti.

Global Media Dialogue hi Union Ministry of Information and Broadcasting-in Ministry of External Affairs nen thawkdun a an huaihawt a ni a.

Hawna inkhawmah thusawiin External Affairs minister Dr.S.Jaishankar-a chuan technology leh tihdanphung lo awmsa te chu an kal rual tur a ni a ti a. Kum 2047-a ram changkang dinhmuna ding turin technology chu a nawrkaltu atan a pawimawh a, hnam tihphunga inngat anih a ngai thung a ti baw. He hunah hian Union I&B Minister Ashwini Vaishnaw pawhin thusawiin khawvel pumah media leh entertainment Industry te hlut zawng chu dollar tluklehding 1000 chuang hu a ni a ti baw.

<><><>